

Jus Canonicum Practice Explicatum

Seu Decisiones Casuum Ad Singulos Decretalium Gegrorii Papæ IX. Titulos,
& ad Consuetum Referendi Modum accommodatae

Complectens dimidiam Decretalium Partem, videlicet nonaginta duos
Titulos, nimirum usque ad Titulum XX. Libri de Feudis exclusivè

Pichler, Vitus

Ingolstadii, 1728

Quæst. An Judex Delegatus ad causam particularem, etiam Summi
Principis, possit concedere restitutionem in integrum?

[urn:nbn:de:hbz:466:1-62305](#)

petentem Judicem excipiendo recusavit. Quapropter Raymundus recurrit Romanum, & obtinuit, ut ad hanc causam decimalē fuerit delegatus Judex ipse Ordinarius Raymundi, in cuius dioecesi sita erant decimalē. Coram Episcopo igitur tanquam Judice ab Apostolica Sede delegato comparere & respondere debuit Monasterium; idque ob imperitiam Syndici adeo infeliciter præstit, ut ob non probatum titulum cum 40. annorum possessione, aut tempus immemorale, quorum alterutrum probare necesse habet possidens decimalē, & has tueri cupiens contra Parochum, juxta c. 1. de Praescript. in 6. causā ceciderit, & decimalē per sententiam definitivam adjudicatae sint Parochio. Hæc res vehementer doluit Monasterio, maximè Prælato, qui propterea Coelestinō,

uni ex suis Religiosis, qui Ingolstadii SS. Theologiae cum ingenti laude dabant operam, in mandatis dedit, ut toto pectore Jus utrumque, maxime Canonicum addisceret, ut jura sui Monasterii deinceps per suos securius tueri valeat. Fecit hoc Coelestinus, & intra biennium ita profecit, ut deprehenderet, Monasterium per dictam sententiam fuisse graviter lœsum imperitiā Syndici, qui se fundare debuit in tempore immemoriali, upon quod sufficenter probare potuisse, Quapropter suasit suo Præfuli, ut peteret restitutionem in integrum, sed dubitavit, an hanc facere posset Episcopus, qui tantum fuit Judex delegatus ad hanc causam decimalē. Unde Consilii causā suum in Jure Canonico Professorem convénit, eique proposuit hanc

Q U A E S T I O N E M.

An Judex delegatus ad causam particularem, etiam summi Principis, possit concedere restitutionem in integrum adversus suam sententiam.

Professor, ut hanc rem examine Juridico dignissimam solidius & methodicè complanaret, scriptō in sequentem modum respondit. Non equidem desunt magna Juris momenta, ex quibus erui possit, Judicem delegatum, modo destitutus non sit jurisdictione & imperio omni, uti

sunt Judges dati seu pedanei, quibus mera cognitio, aut sola executio ministerialiter facienda, fuerit commissa, non carere potestate restituendi in integrum, sicut defacto delegari Judges non solent sine Jurisdictione & imperio aliquo.

Ratio-

Rationes Dubitandi.

Primò occurrit Juris Civilis dispositio in l. fin. C. ubi & apud quem, ubi restitutio facienda conceditur Judicibus delegatis, qui vel certa administratione, cui Jurisdictio adhaeret, prepositi sunt, vel ab his fuerint dati: & multò magis, si à nostra Majestate (nempe Supremo Principe) delegata ei sit causarum audience - - - sive hoc specialiter ipsis fuerit mandatum - - vel generaliter dati sunt Judices, vel in aliis speciebus incidenter quædam questio restitutio. Cum igitur in præsenti casu Episcopus fuerit à Supremo Principe delegatus, dare restitucionem in integrum poterit, licet hæc ipsi specialiter non sit mandata, Secundò adstipulatur Jus Canonicum in c. querenti 26. b. t. ubi habetur, quod jurisdictione delegati à Principe supremo, seu Summo Pontifice, non finiatur

per definitivam ejus sententiam: si autem non finiatur ejus jurisdictio, nihil prohibet, quod minus in integrum restituere valeat. Tertiò patrocinatur consuetudo, ad quam quidam Advocati, in angustias redacti, velut ad asylum resugunt, sic saepius factum esse dicentes. Quartò idem docuit gl. in l. Minor autem §. idem Imperator v. non siet. ff. de Minor. & ibi Bartol. & Sfortia Oddo de restit. in integr. p. 1. q. 32. a. 18. n. 139. allegans plures, & novissimè Auctor Candidati Jurisprudentiae Sacrae in lib. I. tit. 41. de in integr. restit. n. 8. ubi ait, restitucionem in integrum peti debere à Judice competente, sive dein Judex sit Ordinarius, sive delegatus Principis, vel delegatus ad Universitatem causarum, vel etiam delegatus alius cum aliquo imperio & jurisdictione.

Rationes Decidendi.

His tamen non attentis contraria sententia omnino tenenda est, quod nempe Delegatus, etiam à Principe, ad unam tamen causam in particulari, nequeat restitucionem concedere adversus sententiam suam definitivam, si illa principaliter petatur; quamvis possit adversus sententiam suam interlocutoriam, quæ non habet vim definitivæ, & sic incidenter, etiam sine speciali commissione. Joannes Gutierrez qq. Canonicas. l. 2. c. 2. n. 37. stqq. Bartol. in l. adversus C.

si adversis rem judic. & ibi Bald. n. 2. Paul. à Castro n. 1. Salyc. n. 2. dicens esse communem. Abbas in c. causa restitutio n. 7. de in integr. restit. Marant. de Ord. Jud. p. 5. pr. n. 36. & 141. Cogunt ita lentire leges satis claræ, uti l. Judex posteaquam ss. ff. de re Judic. ubi habetur, latâ sententiâ definitivâ finitum esse officium Judicis, utique Delegati; nam officium & jurisdictione Ordinarii utique perdurat: ergo, sicut privatus, carens jurisdictione, restituere nequit, cum sit

fit actus jurisdictionis, ita nec Judex Delegatus, cuius officium & jurisdictione finitur per sententiam, seu bene seu male latam. Verum quia aliquo modo dubium est, an non dicta lex loquatur de Judice Ordinario, ideo fortius stringit l. si ut proponis 4. C. quomodo & quando Judex. ubi delegato negatur potestas ulterioris cognitionis, si tulit sententiam nullam; per quam tamen non ita finitur potestas judicantis, sicut per sententiam validam, licet iniquam: ergo à foriori neganda est delegato ulterior cognitione, si tulit sententiam validam, licet re ipsa iniquam, ut in praesenti ob defectum probationis contigit. Omnim autem solidissime rem conficit textus in d. l. adversus 3. C. si adversus rem jud. ibi: nam adversus ejus sententiam, qui vice Principis (adeoque ut delegatus Principis supremi) cognovit, solus Princeps restituet. Concordat textus in d. l. Minor autem 18.

ff. de Minor. §. 3. ibi: idem Imperator Licinio Frontoni rescriptis, insolitus esse, post sententiam, vice sua, expellatione dictam, in integrum restitutionem tribuere, nisi solum Principem. Et paulo post, nempe §. 4. sed etiam Imperatore Judex datus (delegatus) cognoscatur; restitutio ab alio, nisi a Principe, qui Judicem destinavit, non sit. Cum igitur SS. Canones his legibus contrarium non statuant, etiam in foro Canonico observandæ erunt, ang. c. 1. de N. O. N. ita ut à solo supremo Principe, nimirum summo Pontifice, qui dedit Judicem delegatum, non à Delegato, petenda & facienda sit restitutio in integrum. Quapropter jure infero, à fortiori delegata ab inferioribus summo Principe potest restituendi in integrum adversus suam sententiam definitivam minime competere, ut latè probat Sforzia Oddo art. 18. cit. per tot. & prius art: 6. cum Bellamera.

Refutantur Rationes Dubitandi.

Prima quidem ex l. fin. C. ubi & apud quem petitam; quia tantum procedit in restitutione delegati à Principe adversus suam sententiam interlocutoriam, qua non habet vim definitiva; vel quando delegatus obtinet certam administrationem, cui jurisdictione est annexa; vel quando generaliter seu ad universitatem causarum est datus; vel quando ad causam quidem particularē in specie, at restitutio non petitur principaliter,

sed incidenter, ut denotat verbum incidere, & haberetur clarius l. 3. C. de Judicis. ubi causa incidiens terminari posse dicitur à Judice, coram quo, si principaliter deduceretur in Judicium, disceptari non potest: sic incidenter petitur restitutio, quando Minor permisit labi terminum sibi præfixum, & adversus lapsum termini petit restitutio; vel denique quando delegato specialiter est concessa potestas restituendi. Bart. & cæteri communiter ad

d. l. fin. cum Paulo Castr. *ibid. n. 1.* præstat. *l. quod non ratione ff. de legib.* Et non, quod sit, sed quod fieri debet, servandum est, ut habet Brocardicum Juris. *Quartam* si ritè intellexeris, res salva est; nec Auctor Candidati Jurisprudentiæ sacræ erit contrarius, qui in *lo. cit.* solum id agit, quod restitutio in integrum peti debeat à Judge Rei, seu illius, contra quem petitur, qualiscunque fuerit Judge, sive Ordinarius, sive Delegatus, cui nempe (quod iste Auctor ibi non discutit) aliunde competit potestas restituendi: ex delegatis autem solum competit iis, qui habent administrationem cum jurisdictione annexa, vel sunt delegati ad universitatem causarum, vel, si ad causam particularem, obtinent specialem potestatem restituendi, aut restitutio petitur incidenter, non principaliter & contra sententiam definitivam, sed contra interlocutoriam tantum.

TITULUS XXX.

De Officio Legati.

DECISIO XXX.

De Clericum accusante coram Nuntio Apostolico.

SPECIES FACTI.

NOppido quadam Diœcesis Constantensis civem inter & Paro-
(R.P. Pickler Decisiones.)

rochum orta est lis circa hæreditatem,
quam Parochus occupaverat, civis autem

S